



Statuten des Graubündner
Kantonalen Musikverbandes

Statuts da l'Uniun chantunala
da musica dal Grischun

Statuto della Federazione
bandistica grigionese

2017

fundada ils 27 da schaner 1901

Statuts

da l'Uniun chantunala da musica dal Grischun

Per l'Uniun chantunala da musica dal Grischun sa chapeschi da sasez che tut las funcziuns pon vegnir exequidas tant dad umens sco era da dunnas. En il senn da l'unitad linguistica applitgain nus en ils statuts la furma masculina.

I. Num, sedia ed intent

Num e sedia	Artitgel 1 L'Uniun chantunala da musica dal Grischun, numnada en il sequent UCMG, è in'uniun organisada a moda corporativa en il senn da l'art. 60 ss dal Cudesch civil svizzer. Sia sedia sco era la dretgira cumpetenta sa chattan al lieu da domicil respectiv dal president chantunal. L'UCMG è politicamain e confessionalmain neutrala.
Onn da gestiun	Sco onn da gestiun vala l'onn chalendar.
Structura da l'uniun	Artitgel 2 L'UCMG cumpiglia tut las societads da musica instrumentala e las societads da musica da giuvenils da noss chantun che sa suttamettan als statuts preschents. Sias societads vegnan attribuidas als suandants districts:
District I	Bregaglia, Engiadina, Val Müstair e Val Poschiavo
District II	Tschintg Vitgs, Signuradi, circol da Tavau e Partenz
District III	Calanca, Plaun, Grischun Central, Mesauc e Plessur
District IV	Surselva
Districts da musica	2.1 Ils districts da musica èn ils represchentants directs da lur societads en la suprastanza chantunala e gidan quella ad ademplir l'intent, las finamiras e las incumbensas da l'uniun. 2.2 Ils districts da musica èn autonomi en in sector spezial, sch'ils statuts chantunals na reglan betg definitivamain quest sector, mabain surlaschan als districts d'al reglar parzialmain u dal tuttatafeg e concedan ad els ina libertad da decider relativamain gronda. 2.3 En il rom da lur autonomia èn ils districts da musica libers en dumondas da la legislaziun e da l'administraziun. 2.4 Ils statuts dals districts da musica ston vegnir approvads da la suprastanza chantunala. 2.5 Ina da las pli impurtantas incumbensas dals districts da musica è d'organisar las festas districtualas da musica cun agens reglaments.

Finamiras	Artitgel 3
	L'UCMG ha las suandantas finamiras:
	3.1 promover e tgirar la musica instrumentala sco era mantegnair e represchentar ils interess cuminaivels;
	3.2 gidar las societads commembras ad ademplir lur incumbensas;
	3.3 svegliar l'interess e l'entusiassem da la giuventetgna per la musica instrumentala sco era promover e sustegnair tenor pussaivladad lur scolaziun;
	3.4 promover la scolaziun al trumbettist e tambur militar e s'engaschar per la musica militara;
	3.5 tgirar bunas relaziuns cun autras uniuns chantunalas;
3.6 undrar ils merits dals musicants e promover lur contacts.	

Intent	Artitgel 4
	L'uniun vul cuntanscher sias finamiras cun:
	4.1 organisar e realisar curs per dirigents e curs instrumentals tenor las directivas da l'Uniun svizra da musica (USM);
	4.2 realisar activitads da tut gener a favur da la scolaziun e dal perfecziunament sco era promover la musica instrumentala;
	4.3 promover ils contacts tranter ils quatter districts da musica e las societads da l'uniun;
	4.4 surdar l'organisaziun d'ina Festa chantunala da musica, che ha lieu per regla mintga tschintg onns, tenor il reglament da festa e da la musica da marsch;
	4.5 surdar l'organisaziun d'ina Festa chantunala da musica da giuvenils che ha lieu periodicamain;
	4.6 collavurar cun las medias;
	4.7 surdar ils pass da musicist e las distincziuns dals veterans;
4.8 tgirar l'archiv.	

II. Commembranza

Pussaivladad da daventar commember	Artitgel 5
	Commembra da l'UCMG po daventar mintga societad da musica e mintga societad da musica da giuvenils dal chantun Grischun. Mintga societad da l'uniun è a medem temp era commembra da l'USM.

Procedura da recepciun	Artitgel 6
	Ina societad po vegnir recepida a basa d'ina dumonda d'entrada ch'è da drizzar al president chantunal. A la dumonda èsi d'aggiuntar ils statuts da la societad ed il dumber da commembers. Davart la recepciun decida la suprastanza chantunala. Sche la dumonda vegn refusada, po la societad pertutgada recurrer entaifer trais mais a la radunanza da delegads.

Decisiun da recepziun	<p>Artitgel 7</p> <p>La recepziun en l'UCMG vegn communitgada en scrit a la societad petenta. Cun la recepziun en l'UCMG cumenzan ils dretgs e las obligaziuns d'ina commembranza.</p>
Extrada	<p>Artitgel 8</p> <p>L'extrada da l'UCMG succeda cun ina brev recumandada al president chantunal. In'extrada è pussaivla mo per la fin da l'onn. A la comunicaziun èsi d'aggiuntar in protocol davart la decisiun da la societad.</p> <p>Sch'ina societad banduna l'UCMG, perda ella sia colliaziun cun l'USM.</p>
Exclusiun	<p>Artitgel 9</p> <p>Societads che n'adempleschan betg lur obligaziuns u fan donn a la reputaziun da l'UCMG cun lur cumportament, po la radunanza da delegads, sin proposta da la suprastanza chantunala, excluder da l'UCMG.</p>
Unisono	<p>Artitgel 10</p> <p>La revista «Unisono» è l'organ da publicaziun da l'uniun. Per il dumber dals exemplars obligatorics èn decisivas per las societads da l'uniun las disposiziuns da l'USM.</p>
Obligaziuns	<p>Artitgel 11</p> <p>Mintga commembra da l'uniun è obligada da:</p> <ul style="list-style-type: none"> 11.1 sustegnair tenor sias pussaivladads las finamiras e l'intent da l'UCMG e da resguardar las prescripziuns dals statuts e reglaments sco era las decisiuns da la suprastanza e da la radunanza da delegads; 11.2 participar a las radunanzas da delegads; 11.3 pajar las contribuziuns annualas a l'UCMG, a la SUIA ed eventualas ulteriuras contribuziuns decididas da la radunanza da delegads; 11.4 retrair e pajar il dumber d'exemplars obligatorics da la revista «Unisono».

Dretgs	<p>Artitgel 12</p> <p>Mintga societad da l'uniun ha il dretg da votar e d'eleger a la radunanza da delegads tenor l'art. 20. Mintga societad da l'uniun sco era mintga district da musica ha in dretg da proposta a la radunanza da delegads.</p>
Nominaziun da veterans	<p>Artitgel 13</p> <p>Commembers ch'èn stads activs durant 25 onns en ina u pliras societad(s) da musica instrumentala, vegnan nominads sco veterans da l'UCMG.</p> <p>Suenter ina commembranza activa da 35 onns vegnan els nominads sco veterans federals da l'USM.</p> <p>Sco veterans d'onur chantunals vegnan undrads musicants ch'èn dapi 50 onns activs en ina societad da musica instrumentala.</p> <p>Sco veterans da l'Uniun internaziunala da musica (CISM) vegnan undrads musicants ch'èn dapi 60 onns activs en ina societad da musica instrumentala.</p> <p>Sco veterans d'onur federals da l'USM vegnan undrads musicants ch'èn dapi 70 onns activs en ina societad da musica instrumentala.</p> <p>Ils onns d'activad en la suprastanza da l'UCMG vegnan quintads cumplainamain e nudads en il pass da musicist.</p> <p>La vegliadetgna d'entrada per la nominaziun al veteran n'è betg limitada. Decisiva è la cumprova da l'activad musicala en in pajais reconuschì da la CISM. En Svizra è quai l'inscripziun en il pass da musicist. En pli valan analogamain las disposiziuns dal reglament davart ils veterans da l'USM.</p> <p>Ils veterans vegnan undrads a chaschun d'ina Festa chantunala da musica u d'ina Festa districtuala da musica. Sch'ina tala occurrenza na vegn betg organisada, decida la suprastanza il lieu d'undraziun dals veterans per ils singuls districts da musica.</p>
Annunzia dals veterans	<p>Artitgel 14</p> <p>Las societads annunzian al secretariat fin ils 15-12 da l'onn precedent ils veterans ch'èn d'undrar. Ils veterans survegnan ina distincziun en furma d'ina medaglia. Ils veterans da la CISM ed ils veterans d'onur federals survegnan en pli in document.</p>
Undraziun dals dirigents	<p>Artitgel 15</p> <p>Dirigents cun in'activad da diriger da 20 onns survegnan in document. Ina proposta per l'undraziun sco er in curt palmarès èn d'inoltrar al secretariat da la societad pertutgada.</p>
Commembers d'onur	<p>Artitgel 16</p> <p>Sin proposta da la suprastanza chantunala po la radunanza da delegads nominar personas cun merits extraordinaris a favur da la musica instrumentala sco commembers d'onur da l'UCMG. Ils commembers d'onur èn d'envidar a las radunanzas da delegads ed a las Festas chantunalas da musica.</p>

III. Organs da l'UCMG

Organs	<p>Artitgel 17 Ils organs da l'UCMG èn:</p> <p>17.1 la radunanza da delegads</p> <p>17.2 la suprastanza chantunala</p> <p>17.3 il post da revisiun</p>
Cumissiuns	<p>Artitgel 18 La suprastanza chantunala nominescha las suandantas cumissiuns:</p> <p>18.4 la cumissiun da musica</p> <p>18.5 ulteriuras cumissiuns tenor basegn</p>
Radunanza da delegads	<p>Artitgel 19 La radunanza da delegads è l'organ suprem da l'UCMG e consista:</p> <p>19.1 dals delegads dals commembers da l'uniun</p> <p>19.2 da la suprastanza chantunala</p> <p>19.3 dals commembers d'onur da l'UCMG</p> <p>19.4 da la cumissiun da musica</p>
Dretg da votar e d'eleger	<p>Artitgel 20 Mintga societad da l'uniun ha il dretg e l'obligaziun da delegar duas personas. Mintga delegà ha mo ina vusch. Ils delegads vegnan elegids da las societads da l'uniun. L'indemnisaziun da la delegaziun è chausa da las societads. Ils commembers da la suprastanza e da la cumissiun da musica sco er ils commembers d'onur han mintgamai ina vusch a la radunanza da delegads.</p>
Termin da la radunanza da delegads	<p>Artitgel 21 La radunanza da delegads ordinaria ha lieu en il terz u quart mais da l'onn chalendar. Radunanzas da delegads extraordinarias vegnan convocadas tenor basegn:</p> <p>21.1 sche la suprastanza chantunala considerescha quai sco necessari</p> <p>21.2 sch'in terz da las societads da l'uniun pretenda quai</p> <p>La dumonda è da drizzar al president chantunal e da motivar cun inditgar las tractandas respectivas.</p>
Cumpetenzza da decider	<p>Artitgel 22 La radunanza da delegads è cumpetenta da decider senza resguardar il dumber dals votants preschents. Societads da l'uniun betg represchentadas a la radunanza cun agens delegads ston era resguardar las decisiuns da la radunanza da delegads.</p>
Propostas a la radunanza da delegads	<p>Artitgel 23 La suprastanza, las societads da l'uniun u ils districts da musica ston drizzar al president chantunal fin ils 15 da december da l'onn precedent lur propostas ch'els vulan far a la radunanza da delegads. Las propostas ston esser formuladas a moda clera ed esser motivadas. Propostas che na correspundan betg a questas pretensiuns na pon betg vegnir tractadas a la proxima radunanza da delegads.</p>

Fatschentas da la radunanza da delegads	<p>Artitgel 24</p> <p>Las fatschentas intransferiblas da la radunanza da delegads ordinaria èn:</p> <ol style="list-style-type: none"> 1. eleger ils dumbravuschs; 2. approvar il protocol da la davosa radunanza da delegads; 3. undrar ils commembers ch'èn morts dapi la davosa radunanza da delegads ordinaria; 4. approvar ils rapports annuals <ol style="list-style-type: none"> a) dal president chantunal b) dal president da la cumissiun da musica c) dal schef dals veterans; 5. approvar il quint annual, il rapport dals revisurs e dar distgargia a la suprastanza; 6. approvar il preventiv; 7. eleger il president ed ils ulteriurs commembers da la suprastanza per ina perioda d'uffizi da 4 onns; 8. eleger ils revisurs u il post da revisiun; 9. fixar las contribuziuns a la cassa da l'uniun; 10. surdar l'organisaziun da la Festa chantunala da musica e da la Festa chantunala da musica da giuvenils, resguardond sche pussaivel ils districts da musica en turnus; 11. excluder uniuns da l'UCMG; 12. tractar propostas da la suprastanza, dals districts e da las societads; 13. decider davart il lieu da la proxima radunanza da delegads; 14. eleger ils delegads per l'USM per ina durada d'uffizi da 4 onns; 15. far ils engraziaments e las undraziuns; 16. discutir dumondas sut varia e far enquistas.
	Las tractandas nr. 7, 10, 11 e 14 vegnan tractandadas mo en cas da basegn.
Elecziuns e votaziuns	<p>Artitgel 25</p> <p>Las elecziuns e votaziuns vegnan fatgas cun plimaun, cun excepziun da l'elecziun dal president chantunal, dals ulteriurs commembers da la suprastanza e dal lieu da festa, sch'i dat pliras candidaturas. La radunanza da delegads po era decider per autras fatschentas la votaziun cun scrutini. En l'emprim scrutini decida il pli absolut, en il segund scrutini il pli relativ. En cas da paritad da las vuschs ha il president chantunal la vusch da tagl.</p>
Suprastanza chantunala	<p>Artitgel 26</p> <p>Sco organ suprem da l'UCMG elegia la radunanza da delegads ina suprastanza che sa cumpona dad almain 3 e da maximalmain 5 commembers. La durada d'uffizi dals commembers da suprastanza munta a quatter onns. Ina reelecziun è pussaivla. Il president da la cumissiun da musica è a medem temp commember da la suprastanza. Sch'in commember sorta da la suprastanza avant che sia perioda d'uffizi è terminada, fa la radunanza da delegads sequenta in'elecziun substitutiva per il rest dal temp d'uffizi.</p>
Organisaziun da la suprastanza	<p>Artitgel 27</p> <p>Las activitads ed incumbensas dals commembers da la suprastanza èn fixadas en in reglament d'organisaziun separà. Quel furma ina part integrala dals statuts da l'UCMG.</p>
Sedutas	<p>Artitgel 28</p> <p>La suprastanza chantunala sa raduna tenor basegn sin invit dal president. L'invit en scrit sto succeder almain 14 dis avant la seduta. A medem temp èsi da communitgar la glista da tractandas.</p>

Artitgel 29

Fatschentas da la
suprastanza

Las fatschentas ordinarias da la suprastanza èn:

- 29.1 survegliar ch'ils statuts ed ils reglaments vegnian resguardads ed exequids; exequir las decisiuns da la radunanza da delegads; defender ils interess da l'UCMG e da la musica instrumentala;
- 29.2 approvar ils protocols da las sedutas da suprastanza;
- 29.3 recepir novas societads;
- 29.4 controllar ils registers dals commembers activs da las societads da l'uniun;
- 29.5 tschertgar in lieu per la Festa chantunala da musica, sch'i na dat naginas candidaturas;
- 29.6 eleger il president da la cumissiun da musica ed ils ulteriurs commembers;
- 29.7 eleger ils experts per la Festa chantunala da musica sin proposta da la cumissiun da musica;
- 29.8 examinar ed approvar il guid ed il plan dals tocs da la Festa chantunala da musica
- 29.9 scriver il protocol da las tractativas da l'uniun;
- 29.10 far la contabilitad da l'uniun;
- 29.11 undrar ils veterans ed ils veterans d'onur;
- 29.12 s'occupar d'ulteriuras fatschentas surdadas ad ella da la radunanza da delegads.

Artitgel 30

Indemnisaziun

Per la participaziun a las sedutas han ils commembers da la suprastanza e da la cumissiun da musica il dretg ad ina diaria sco er a spensas per la dunsena, per pernottaziuns e per viadis, pajadas or da la cassa da l'uniun.

Las spensas cumprovas vegnan indemnisadas tenor il reglament da spensas valaivel da l'UCMG. Il quint da spensas è d'inoltrar – senza vegnir intimà – mintga quartal al secretariat.

Artitgel 31

Suttascripziun
giuridicain
valaivla

La suttascripziun giuridicain valaivla per l'UCMG ha il president chantunal ensemen cun la direcziun dal secretariat.

Artitgel 32

President
chantunal

Il president chantunal maina la radunanza da delegads e las sedutas da la suprastanza sco era las tractativas. A las sedutas da la suprastanza dat el rapport ed orientescha davart las fatschentas ed ils eveniments succedids dapi la davosa seduta. El controllascha che las decisiuns prendidas vegnian exequidas ed è la persuna da contact per autras organisaziuns.

Artitgel 33

Vicepresident

En cas d'impediment dal president surpiglia il vicepresident sias incumbensas cun tut ils dretgs e tut las obligaziuns. En pli pon ulteriuras incumbensas vegnir adossadas ad el tenor il reglament d'organisaziun.

Secretariat	<p>Artitgel 34</p> <p>Il secretariat gida la suprastanza ad ademplir las lavurs administrativas tenor las directivas dal president e tenor il reglament d'organisaziun.</p>
Rapports da lavur	<p>Ils singuls commembers da la suprastanza preschantan a la suprastanza chantunala lur activitads per mauns da la radunanza da delegads. Las singulas incumbensas èn d'exequir tenor il reglament d'organisaziun.</p>
Post da revisiun	<p>Artitgel 35</p> <p>La radunanza da delegads elegia il post da revisiun per in onn. Il revisur ston examinar il traffic da pajaments ed il quint annual a moda formala sco era materiala e sa persuader che la facultad inditgada è avant maun. Els han da far a temp in rapport ed ina proposta en scrit per mauns da la radunanza da delegads.</p>
Cumissiun da musica	<p>Artitgel 36</p> <p>Per ademplir las incumbensas che pertutgan il sector musical elegia la suprastanza da l'UCMG ina cumissiun da musica che consista da tschintg commembers. Quels vegnan tschernids per ina perioda d'uffizi da quatter onns.</p>
Constituziun	<p>Artitgel 37</p> <p>Il president da la cumissiun da musica vegn elegì da la suprastanza. Dal rest sa constituescha la cumissiun da musica sezza. Il president da la cumissiun da musica è a medem temp commember da la suprastanza.</p>
President da la cumissiun da musica	<p>Artitgel 38</p> <p>La cumissiun da musica sa raduna tenor basegn sin invit dal president. L'invit en scrit sto succeder almain 14 dis avant la seduta. A medem temp èsi da communitgar la glista da tractandas. Il president orientescha la suprastanza e la radunanza da delegads davart l'activitad da la cumissiun da musica.</p>
Incumbensas da la cumissiun da musica	<p>Artitgel 39</p> <p>La cumissiun da musica ha las suandantas incumbensas:</p> <ul style="list-style-type: none"> 39.1 organisar e tgirar la scolaziun; 39.2 examinar ils absolvents da curs instrumentals; 39.3 organisar dietas d'experts; 39.4 elavurar il reglament per la Festa chantunala da musica per mauns da la suprastanza e da la radunanza da delegads; 39.5 far propostas per eleger ils experts per la Festa chantunala da musica; 39.6 determinar ils tocs da pensum per la Festa chantunala da musica; 39.7 determinar ils tocs da musica per las represchentaziuns collectivs a la Festa chantunala da musica. Las decisiuns da la cumissiun da musica ston vegnir approvadas da la suprastanza. 39.8 ademplir tut las obligaziuns attribuidas a la cumissiun da musica sin fundament dal reglament da festa; 39.9 cussegljar las societads da musica en dumondas tecnic-professionalas; 39.10 organisar e realisar ils curs da preparaziun per l'examen professional da trumbettist (musica militar).

Las decisiuns da la cumissiun da musica ston vegnir approvadas da la suprastanza.

IV. Festas chantunalas da musica

Festa chantunala da musica	Artitgel 40 La realisaziun d'ina Festa chantunala da musica vegn surdada ad ina societad che organisescha quella en collavuraziun cun la suprastanza e la cumissiun da musica tenor il reglament da festa e ch'è responsabla per l'andament da quella.
Restricziun	Artitgel 41 Ils onns, en ils quals ha lieu la Festa chantunala da musica, na dastgan vegnir organisadas naginas festas districtualas.
Onuraris d'experts	Artitgel 42 Ils onuraris, ils custs per rediger ils rapports e l'indemnisaziun da viadi dals experts sco er ils custs per publitgar ils rapports dals experts tenor l'onurari da l'USM van a quint da la cassa da l'UCMG.

V. Finanzas

Finanzas	Artitgel 43 Las entradas da l'UCMG consistan: 43.1 d'ina contribuziun annuala pro commember activ dals commembers da l'uniun; 43.2 dal tschains da spargn da la facultad; 43.3 da las subvenziuns e da las garantias da deficit; 43.4 da las contribuziuns voluntaras, dals regals e legats; 43.5 da las ulteriuras contribuziuns eventualmain decididas da la radunanza da delegads; 43.6 da contribuziuns da sponsurs; 43.7 da contribuziuns da las Festas chantunalas da musica tenor il reglament da festa; 43.8 da contribuziuns extraordinarias da las societads.
Suveranidad finanzia	Artitgel 44 Las contribuziuns da l'USM e da la SUIA vegnan incassadas da l'uniun chantunala ed assegnadas a las organisaziuns correspondentas.
Expensas	Artitgel 45 Las expensas da l'UCMG sa resultan cun ademplir sias incumbensas. Quellas cumpiglian: 45.1 ils custs dal secretariat; 45.2 las diarias e spensas per ils commembers da la suprastanza, da la cumissiun da musica e per ils delegads da l'USM; 45.3 ils custs per stampats e material da biro; 45.4 eventualas contribuziuns a curs da dirigents e curs instrumentals; 45.5 custs per dietas d'experts, etc.

VI. La bandiera chantunala

Bandiera chantunala / bandierel	Artitgel 46 L'UCMG posseda ina bandiera chantunala sco simbol da l'appartegnientscha. Quella vegn tegnida en salv en in lieu segir mintgamai da la societad da musica che ha organisà la davosa Festa chantunala da musica. Questa societad elegia er en ses ravugl il bandierel chantunal sco er in substitut che ademplescha sia obligaziun tenor las directivas dal president chantunal.
---------------------------------	---

VII. Archiv

Archiv	Artitgel 47 Per pudair tegnair en salv a moda ordinada actas e materialias degnas da vegnir mantegnidas, maina l'UCMG in archiv. Quel vegn tgiraus dal secretariat. Documents impurtants da l'uniun sa chattan en l'Archiv chantunal dal Grischun.
--------	--

VIII. Revisiun dals statuts

Revisiun dals statuts	Artitgel 48 Propostas da reveder ils statuts parzialmain u dal tuttafatg èn da drizzar fin ils 15 da december da l'onn precedent cun ina motivaziun al president chantunal. La decisiun da reveder ils statuts pretenda ina maioritad da dus terzs dals votants preschents. Areguard ils singuls artitgels ed er en la votaziun finala decida il pli absolut da las vuschs valaivlas.
-----------------------	---

IX. Dissoluziun da l'uniun

Dissoluziun	Artitgel 49 Davart la dissoluziun da l'UCMG decida la radunanza da delegads. Per pudair decider ston esser preschents trais quarts da tut ils votants. La dissoluziun sto vegnir approvada cun ina maioritad da trais quarts dals votants preschents. Sche la preschientscha a la radunanza da delegads na tanscha betg, èsi da far suenter il pli tard tschintg emnas ina segunda radunanza ch'è cumpetenta da decider senza resguardar la preschientscha. La decisiun da dissolver l'uniun sto vegnir prendida cun ina maioritad da trais quarts dals votants preschents. Sch'i na vegn fundada nagina nova uniun entaifer diesch onns, va la facultad en possess da l'USM.
-------------	--

X. Disposiziuns finalas

Linguas, interpretaziun	Artitel 50 Ils statuts da l'UCMG vegnan redigids en rumantsch, tudestg e talian. En cas da dubi è decisiva la versiun tudestga dals statuts. Ils reglaments e protocols vegnan redigids mo en lingua tudestga.
Entrada en vigor	Artitel 51 Quests statuts entran en vigor immediat sunter che la radunanza da delegads ha approvà els. Els remplazzan ils statuts approvads a la radunanza da delegads dals 8 d'avrigl 2006 ad Untervaz.


GRAUBÜNDNER KANTONALER MUSIKVERBAND
FEDERAZIONE BANDISTICA GRIGIONESE
UNIUN CHANTUNALA DA MUSICA DAL GRISCHUN

per la suprastanza chantunala



Andy Kollegger
president

per il secretariat



Ladina Gisep Bachmann
manadra dal secretariat

per la cumissiun da musica



Reto Mayer
president da la cumissiun da musica